

სექცია 1. ეკონომიკის მდგრადი განვითარების პრობლემები და თანამედროვე გლობალური გაეროვნებით განხირობებული ტრანსფორმაციები

კონფერენცია-ფორუმი-სიმპოზიუმი-კონგრესი: ჩატარების მეთოდები და მეცნიერული შედეგები

ალექსანდრე სიჭინავა
სტუ-ს პროფესორი

იაშა (კოკა) კუტუბიძე
სტუ-ს პროფესორი

დალი სახნიაშვილი
სტუ-ს პროფესორი

რეზიუმე

ნაშრომის მიზანია გაანალიზოს მსგავსება და სხვაობა კონფერენციას-ფორუმს- სიმპოზიუმსა და კონგრესს შორის. მათ შორის მსგავსებაა ადამიანებს შორის ურთიერთობების ჩამოყალიბება მეცნიერების, პოლიტიკის, სპორტის, კულტურის, ხელოვნების და სხვა მიმართულებით. წარმოაჩინოს ჩატარების მეთოდები და მეთოდოლოგია. დაგროვილი სამეცნიერო და სხვა სახის ინფორმაციების ურთიერთგაცვლა მეცნიერების, პოლიტიკოსების და საზოგადო მოღვაწეების მონაწილეობით. ოთხივე, კონფერენცია-ფორუმი-სიმპოზიუმი-კონგრესი, მუშაობის პრინციპებიდან გამომდინარე, ერთმანეთს ემსგავსებიან, მაგრამ განსხვავებაც დიდია, თუნდაც განსახილველი საკითხებიდან გამომდინარე (დავოსის ეკონომიკური ფორუმი) და მონაწილეთა პოლიტიკოსებისა (ცნობილი პოლიტიკოსები) და მილიარდელების მონაწილეობით, სადაც განიხილება გლობალური პრობლემები (გლობალური ეკონომიკური, სოციალური, გლობალური დათბობის და სხვა პრობლემები).

ჩვენს მიერ ჩატარებული კონფერენციები და ფორუმები ამის ნათელი დადასტურებაა. 10 წლის განმავლობაში ჩვენს ღონისძიებებს ეწვია 150-ზე მეტი მსოფლიოს სხვადასხვა უნივერსიტეტიდან. დეპარტამენტის ინიციატივით გაფორმდა 50-ზე მეტი ურთიერთთანამშრომლობის მემორანდუმი, როგორც ქვეყნის შიგნით, ასევე მსოფლიოს სხვადასხვა ეკონომიკური პროფილის უნივერსიტეტებთან. ვფიქრობთ, რომ მომავალში ჩვენი ფორუმი უფრო მაღალ საფეხურზე ავიყვანოთ.

საკვანძო სიტყვები: კონფერენცია, ფორუმი, სიმპოზიუმი, კონგრესი, ადამიანებს შორის ურთიერთობები, ფორუმებზე ხელშეკრულებების გაფორმება, მსოფლიო ეკონომიკური ფორუმი.

CONFERENCE-FORUM-SYMPOSIUM-CONGRESS: CONDUCTING METHODS AND SCIENTIFIC RESULTS

Alexander Sichinava

Professor of GTU;

Yasha (Koka) Kutubidze

Professor of GTU;

Dali Sekhniashvili

Professor of GTU

RESUME

The aim of the paper is to analyze the similarities and differences between conference-forum-symposium and congress. The similarity between them is the formation of relations between people in science, politics, sports, culture, art and other directions. To present the methods and methodology of conducting. Mutual exchange of accumulated scientific and other types of information with the participation of scientists, politicians and public figures. All four, conference-forum-symposium-congress, are similar to each other based on the principles of work, but there are also big differences, even depending on the issues discussed (Davos Economic Forum) and political participants (famous politicians) and billionaires, where global problems are discussed (global economic, social, global warming and other problems).

Conferences and forums held by us are a clear confirmation of this. During 10 years, 150 foreigners from different universities of the world visited our events. At the initiative of the department, more than 50 memorandums of mutual cooperation were signed, both within the country and with universities of various economic profiles around the world. We think to take our forum to a higher level in the future.

Key words: conference, forum, symposium, congress, relations between people, conclusion of agreements at forums, World Economic Forum.

* * * *

კონფერენცია არის ადამიანებს შორის ურთიერთობების ჩამოყალიბების საშუალება. თანამედროვე სამყარო ეს არის უდიდესი საინფორმაციო არენა. წლიდან წლამდე ინფორმაციის მოცულობა იზრდება. განსაკუთრებით თითოეული ქვეყნის სამეცნიერო ცენტრებში და ოფისებში ყოველწლიურად ათასჯერ იზრდება ინფორმაცია. ეს პროცესი დაიწყო საუკუნეების წინ და ეხლა სწრაფი ტემპებით მიმდინარეობს. გამომდინარე აქედან, ადამიანებს ეძლევა საშუალება დააგროვონ გამოცდილება ინფორმაციის შეგროვებისა და ანალიზის მიმართულებით. შესაძლებელია ერთი და იგივე იდეა მოუვიდეთ თავში ადამიანებს სხვადასხვა დროს და ისინი იმუშავებენ დამოუკიდებლად და არ ეცოდინებათ, რომ პრობლემა უკვე გადაწყვეტილია და შესწავლილია. ასეთი გაუგებრობის თავიდან ასაცილებლად აუცილებელია ადამიანებმა მუდმივად გაცვალონ ინფორმაციები და თავიანთი კვლევის შედეგები. სწორედ ასეთ მიზანს ემსახურება და ტარდება კონფერენციები.

სხვადასხვა სოციალური ჯგუფების, სხვადასხვა სახელმწიფოების ან მთავრობების წარმომადგენლები აწყობდნენ შეკრებებს, რომელსაც უწოდებდნენ კონფერენციას. კონფერენციებზე იკრიბებოდნენ კერძო პირებიც რომელიმე მნიშვნელოვანი საკითხების განსახილველად. ინფორმაციის გადაცემის ასეთი მეთოდი გამოიყენებოდა ძველ საბერძნეთში. არსებობს დოკუმენტი, რომლითაც დასტურდება, რომ პირველად კონფერენცია ჩატარდა ჩვენს წელთაღრიცხვამდე 416 წელს. პოპულარული ადამიანები ათენიდან აწყობდნენ ნადიმებს თავიანთი ახლო მეგობრებისათვის, რომლის დროსაც თითოეული მონადიმე თავის ფილოსოფიურ აზრს გამოთქვამდა „ეროტზე“- სიყვარულის ძველბერძნულ ღმერთზე. უბრალო მოკვდავებს არ ქონდათ შესაძლებლობა აზრის გამოთქმისა და ფილოსოფოსობის შესაძლებლობა. ამიტომ ძველად კონფერენციებში და შეკრებებში მონაწილეობას ღებულობდნენ მდიდრები და ცნობილი ადამიანები, რომლებიც იყვნენ ფილოსოფოსები და მეცნიერები.

თითოეულ კონფერენციას აქვს საკუთარი მიზანი, რომელიც განსაზღვრავს შეკრების თემას, თუმცა ყოველი ასეთი შეკრებას აქვს თავისი ხასიათი რომელიც კონფერენციის თემებს აერთიანებს, ესენია: ა) კონფერენციის თემების გაძღოლა და განხილვა ინოვაციებისა და ახალი ტექნოლოგიების გამოყენებით; ბ) დაგროვილი ინფორმაციების გაცვლა იდეების მიხედვით. ახალი ჯერ კიდევ გადაუჭრელი პრობლემების მოძიება და ერთობლივი გადაწყვეტა მეცნიერული თანამშრომლობის გზით, იმ ორგანიზაციების მონაწილეობით რომლებიც კონფერენციაზეა წარმოდგენილი; გ) კონფერენციაში მონაწილეთა მოხსენებების პრეზენტაცია და მიღ-

წევების დემონსტრაცია; დ) კონფერენციაში მონაწილე ორგანიზაციებისა და მონაწილე ადამიანების ურთიერთგაცნობა შემდგომი ერთობლივი კვლევების ჩატარების მიზნით.

არსებობს კონფერენციების სხვადასხვა სახეები, ისინი დამოკიდებულია შერჩეულ კრიტერიუმებზე. მაგალითად, სამეცნიერო-თეორიული, სამეცნიერო-ტექნიკური, ეკონომიკური კონფერენცია, ბიზნეს-კონფერენცია, სამეცნიერო პრაქტიკული კონფერენცია. ჩატარების ტერიტორიის მიხედვით გვხვდება: ლოკალური; ეროვნული-უცხო ქვეყნების წარმომადგენლების მონაწილეობით; საერთაშორისო. ასევე გამოყოფენ კონფერენციებს თემატიკის მიხედვით, როგორიცაა: თემატური ანუ ვიწრო მიმართულებით; მრავალმიზნობრივს.

გარდა ამ სახეებისა გამოყოფენ კონფერენციის ფორმებს. ესენია: ა) დასწრებული კონფერენცია, როდესაც ყველა მონაწილე მიდის კონფერენციის ჩატარების ადგილზე ჩადის და ღებულობს მონაწილეობას კონფერენციის მუშაობაში; ბ) დაუსწრებელი-როდესაც მონაწილეები არ ჩამოდიან და აგზავნიან სტატიებს საორგანიზაციო კომიტეტის სახელზე; გ) ინტერნეტ კონფერენცია, რომელიც ეწყობა რომელიმე პლატფორმის მეშვეობით.

კონფერენციის სახეებს შორის ყველაზე პოპულარულია სამეცნიერო კონფერენციები. მათი მიზანია: ა) შეკრიბონ მეცნიერები, რომლებიც მუშაობენ მსგავს პრობლემებზე, ატარებენ კვლევებს და ერთმანეთს აცნობენ თავიანთი მიღწევებს; ბ) სურვილის შემთხვევაში მიღწევები შეიძლება გამოიცეს კრებული სახით.

საინტერესო კვლევის საგანს წარმოადგენს ფორუმის არსი. ფორუმი ისტორიულად ესაა ადგილი, სადაც შეიძლება შეიკრიბოს ადამიანთა ჯგუფი, რომლებიც „მთელი სამყაროს“ ამბებს განიხილვენ. ფორუმი(ლათ-Forum) - ძველ რომაულში ეს არის მოედანი-საზოგადოებრივი სივრცე, ბაზრის ტერიტორია, სადაც დულდა ქალაქური ცხოვრება, იდებოდა ხელშეკრულებები, მიმდინარეობდა მოლაპარაკებები. ცნობილია რომის ფორუმი, იმპერატორის ფორუმი და სხვა. თანამედროვე პირობებში კატეგორია ფორუმი გამოიყენება აკადემიური კონფერენციებისა და შეკრებების გასამართავად. ხელშეკრულების დადება არის უფლება, რომელიც საშუალებას აძლევს პირებს აირჩიონ ის პირები, კომპანიები, რომელთანაც სურთ ხელშეკრულების დადება და დადონ ასეთი ხელშეკრულება ნებისმიერი ფორმითა და პირობით, რომელზეც მხარეები თავად შეთანხმდებიან (კანონის ფარგლებში). ხელშეკრულებების მიზნებიდან გამომდინარე, პირებს საშუალება აქვთ მათი კონკრეტული ინტერესებიდან გამომდინარე შეთანხმდნენ საკუთარ უფლებებსა და ვალდებულებებზე, ასევე მხარეებს შეუძლიათ თავად განსაზღვრონ ის ღონისძიებები, რაც

მოწყვეტა ხელშეკრულების მთლიან ან ნაწილობრივ შეუსრულებლობას. აღსანიშნავია, რომ ყველა სადავო ხელშეკრულების ბედი არ უნდა წყდებოდეს სასამართლოებში. მაგალითად, ამერიკის შეერთებულ შტატებში ბოლო რამდენიმე ათწლეულში მოძლიერდა და დიდი პოპულარობით სარგებლობს დავის გადაწყვეტის ალტერნატიული საშუალებები, მათ შორის დამოუკიდებელი საარბიტრაჟო ტრიბუნალები, რომლებიც თავად იღებენ გადაწყვეტილებებს კონკრეტულ დავებზე, კერძო სამართლის შესაბამისად. ნეგატიურ მოცემულობას წარმოადგენს ის გარემოება, რომ ხელშეკრულების თავისუფლება არის თავისუფლება მთავრობის ჩარევისა და სამართლიანობის დადგენილ ფასეულობათაგან. მიჩნეულია, რომ ცნება „ხელშეკრულების თავისუფლება“ იურიდიულ ტერმინოლოგიაში შემოიტანა და დაამკვიდრა სერ ჯორჯ ჯესელმა (რომელიც იყო მოსამართლე და დიდი ბრიტანეთის სასამართლო ხელისუფლების პირველი პირი 1875 წელს).

50 წელზე მეტია შვეიცარიის ქალაქ დავოსში ტარდება მსოფლიო ეკონომიკური ფორუმი. ტრადიციულად, მსოფლიო ეკონომიკური ფორუმი არის პლატფორმა საერთაშორისო დისკუსიების და მოლაპარაკებებისათვის.

შვეიცარიის საკურორტო ქალაქ დავოსში იკრიბებიან მსოფლიო ლიდერები, ბიზნესმენები, მეცნიერებისა და სამოქალაქო საზოგადოების წარმომადგენლები ყოველწლიური შეხვედრისთვის. დავოსი შვეიცარიის სათხილამურო კურორტია ალპებში, სადაც მსოფლიო ეკონომიკური ფორუმი ყოველწლიურად იმართება.

მსოფლიო ეკონომიკური ფორუმი (World Economic Forum) - საერთაშორისო არასამთავრობო ორგანიზაციაა. ფორუმი მსოფლიოს 50 ქვეყნის ათასამდე მსხვილ კომპანიასა და ორგანიზაციას აერთიანებს. ფორუმის დამფუძნებელი და უცვლელი ხელმძღვანელია ჟენევის უნივერსიტეტის ბიზნეს-ადმინისტრირების პროფესორი კლაუს შვაბი გახლავთ. ორგანიზაციის შტაბ-ბინა ჟენევაში მდებარეობს. მიაქციეთ ყურადღება ფორუმის ორგანიზებას შვეიცარიის უნივერსიტეტი აკეთებს და ხელმძღვანელობს მას.

ტრადიციულად, ფორუმის მონაწილეები განიხილავენ ეკონომიკურ საკითხებს. ბოლო სამი ათწლეულის განმავლობაში, იგი გახდა მნიშვნელოვანი პლატფორმა გლობალური პრობლემებისა და გამოწვევების გასაშუქებლად.

მსოფლიოს პოლიტიკურ და ეკონომიკურ ლიდერებთან ერთად, დავოსის ფორუმს მუდამ სტუმრობენ გაერთიანებული ერების ორგანიზაციის და ევროკავშირის მაღალი რანგის ფიგურები. დავოსის ეკონომიკურ ფორუმს იყენებენ, როგორც შესაძლებლობას, ჩაატარონ შეხვედრები ამა თუ იმ ქვეყნის ლიდერებთან ინვესტიციების განხორციელებისა და ბიზნეს-გარიგებების გაკეთების მიზნით.

მაღალი დონის პლატფორმაზე ხშირად გამოდიან მსოფლიო დონის პოლიტიკოსები და მილიარდერები, რომლებიც ცდილობენ გავლენა მოახდინონ გლობალურ პრობლემების დაფინანსებაზე.

ინტერნეტ ფორუმი (ვებ-ფორუმი), იგივე გზავნილების დაფა - ვებ-პროგრამების კლასი საიტის მომხმარებელთა ურთიერთობის ორგანიზებისათვის. ტერმინი „ფორუმი“ ზუსტად შეესაბამება ამ სიტყვის არსს. ეს არის სადისკუსიო საიტი, სადაც მომხმარებლები ერთმანეთს ესაუბრებიან გზავნილების სახით. ფორუმის მუშაობის არსი მდგომარეობს იმაში, რომ მომხმარებლები (ფორუმის სტუმრები) ტოვებენ საკუთარ თემებს პოსტინგის გზით მისი შემდგომი განხილვისათვის და მასში შეტყობინებების განთავსებისათვის. ყოველი ცალკე აღებული თემა ფაქტობრივად წარმოადგენს სტუმართა თემატურ წიგნს. მომხმარებლებს შეუძლიათ წარმოდგენილი თემის კომენტირება, კითხვების დასმა თემის გარშემო და პასუხების მიღება, აგრეთვე, თავადვე უპასუხონ თემაში დასმულ სხვა მომხმარებელთა შეკითხვებს, მისცენ მათ რჩევები. თემის შიგნით, შესაძლოა, აგრეთვე, გაიმართოს კენჭისყრა (ხმის მიცემის პროცედურა).

გზავნილები დახარისხებულია ამა თუ იმ სადისკუსიო თემის მიხედვით და ფორუმის მონაცემთა ბაზაში სამუდამოდ ინახება. სხვადასხვა შემთხვევაში, ხდება ისე, რომ ფორუმის ან მისი განყოფილების ზედამხედველი ანუ მოდერატორი თვალს ადევნებს გზავნილებს და აქვეყნებს მათ მხოლოდ გადამონმების შემდეგ. შენახული თემები შემდგომში, შესაძლოა, სასარგებლო აღმოჩნდეს, როგორც მონაწილეების, ასევე ინტერნეტის ნებისმიერი მომხმარებლისათვის, რომელიც ეწვევა ფორუმს.

ფორუმის თემატიკა მრავალფეროვანია (ეკონომიკური, პოლიტიკური, სოციალური და სხვა) და მოიცავს ცხოვრების ყველა სფეროს.

სიმპოზიუმი - (ლათ. Symposium) - ეს არის კონცეფცია, რომელიც ბერძნული ენიდან მოდის. ტერმინი ნიშნავს გაცნობს, სადაც ანალიზდება კონკრეტული თემა. თათბირი ხმაურით, ნადიმობა ხმაურით, სამეცნიერო შეხვედრები მრავალფეროვან თემებზე, რა თქმა უნდა სხვადასხვა ქვეყნების წარმომადგენლების მონაწილეობით. ამ კატეგორიას ხშირად იყენებდნენ პლატონი და ქსენოფონტე. ყველაზე ხშირად სიმპოზიუმები იმართებოდა ცნობილი ადამიანებისა და სახელმწიფო ელიტარული მოღვაწეებისათვის. თანამედროვე პირობებში კატეგორია ფორუმი გამოიყენება აკადემიური კონფერენციებისა და შეკრებების გასამართავად.

სიმპოზიუმი შეიძლება ჩატარდეს კონფერენციის ან სემინარის სახით. სიმპოზიუმზე სხვადასხვა დარგის სპეციალისტები იკრიბებიან რათა განიხილონ და გაანალიზონ თანამედროვე თემები.

მისი მიზანია თითოეულმა მონაწილემ მიიღოს მონაწილეობა დებატებში და გამოთქვას საკუთარი თვალსაზრისი. სიმპოზიუმები იმართება სხვადასხვა დარგში. ესენია: ეკონომიკაში, პოლიტიკაში, მედიცინაში, სპორტში, ხელოვნებაში და სხვა.

სიმპოზიუმის ორგანიზების პირველი ნაბიჯი არის სპეციალისტთა ჯგუფის შეგროვება, რომლებსაც აქვთ ცოდნა და გამოცდილება, რომელიც საჭიროა განსახილველი საკითხების განსაზღვრასა და განვითარებაში.

კონგრესი - (ლათ. Congressus) ნიშნავს შეკრებას, ურთიერთობებს. კონგრესი შეკრების უფრო მაღალი ფორმაა, რომელიც ტარდება ფართო მასშტაბით, როგორც წესი საერთაშორისო მასშტაბით. კონგრესი-აშშ-ი არის პარლამენტის კანონმდებელი ორგანო, ასევე ლათინური ამერიკის ქვეყნების მართველი ორგანოა. ხანდახან ვხვდებით პოლიტიკურ პარტიებს კონგრესის სახელწოდებით (იემენში, ლივიაში, ესპანეთში,

მექსიკაში, პარაგვაიში, გვატემალაში, პერუში, აშშ-ში, ჩრდილოეთ ამერიკის კონტინენტალური კონგრესი, მეორე კონტინენტალური კონგრესი, კონფედერაციის კონგრესი, ფილიპინების კონგრესი, არგენტინის კონგრესი, ბრაზილიის, ჩილის, ეკვადორის და სხვა).

არსებობს მეცნიერული და ფილოსოფიური კონგრესები. ესენია: ფილოსოფოსთა მსოფლიო კონგრესი, პოლიტეკონომთა კონგრესი, მათემატიკოსთა მსოფლიო კონგრესი, გეოგრაფთა მსოფლიო კონგრესი და სხვა.

შეგვიძლია დავასკვნათ, რომ ოთხივე ფორმის კონფერენცია-ფორუმი-სიმპოზიუმი-კონგრესი მუშაობის პრინციპებიდან გამომდინარე ერთმანეთს ემსგავსებიან, მაგრამ მათ შორის განსხვავებაც დიდია. მაგალითად დავოსის ეკონომიკურ ფორუმში მონაწილეობენ მილიარდერებიც და პოლიტიკოსებიც, სადაც განიხილება გლობალური პრობლემები.

გამოყენებული ლიტერატურა:

1. ასათიანი რ. თანამედროვე ეკონომიკის ენციკლოპედიური ლექსიკონი. თბ., 2012 წ.
2. ასათიანი რ. ეკონომიკისი-Economics: განმარტებითი ლექსიკონი. თბ., 2003 წ.
3. ჩიქავა ლ. ეკონომიკური და დემოგრაფიული ტერმინოლოგია. თბ., 2001 წ.
4. Большой Энциклопедический словарь. М., 2002 წ.